

四庫全書

史部

欽定四庫全書

欽定續通典卷二十三

職官

臣等謹案杜佑作職官典上溯黃農下迄唐代歷朝官制之沿革件繫條分分二十二卷首敘官制要畧曰三公曰三省尚書曰御史共六卷曰諸卿曰武官曰東宮官曰王侯封爵曰州郡曰文武散官曰祿秩曰秩品共十六卷自長貳以至隸屬階

品命數以次詳載竊以唐之職官杜典畧備自天寶以後無大改革所有增置不過十數條而已至五代官制紊雜廢置不常歐陽修作史序云亂世分離文字殘缺故無職官志今考其帝紀列傳并參以會要及冊府元龜等書敘及官職者宰輔諸卿而外無可紀述宋初官無定員員無專職三省二十六曹四司類有他官主判迄於元豐肇新官制罷去空名咸遵職守銜名員額類承唐制而加

以詳備建炎中率多省併然或廢或復猶不盡更
初制也遼初建國事簡職專神冊六年詔正班爵
因習聞河北藩鎮受唐官名故太師太保司徒司
空樞密使之名施於部族其伊勒希巴多囉倫穆
騰特哩袞林牙裕悅之類則從其初號也既得燕
代十六州乃用唐制立三省六部臺院寺監諸衛
東宮之官名曰南面官以治漢人金自景祖始建
官屬其官皆踵遼之舊類多國語天會四年建尚

書省遂有三省之制至熙宗始頒官制及改易官格除拜內外官始以勳封食邑入銜而後其制定自省而下為院為臺為府為司為寺為監為局為署為所各統所屬以修其職事員簡而不濫職定而不移終金之世未嘗稍改元自世祖即位命劉秉忠許衡酌古今之宜定內外之官總政務者中書省秉兵柄者樞密院司黜陟者御史臺在內者有寺監衛府在外者有行省行臺宣慰廉訪諸司

及路府州縣官而一代之制始備若其因事而置
事已則罷與夫異教雜流世襲之屬名類實繁雖
正史亦畧而不載至正兵興增設之官不循舊制
平章有添設之號樞密有行院之稱紀律紊而官
益濫矣明制沿漢唐之舊而加損益自洪武十三
年罷丞相不設析中書省之政歸於六部以尚書
任天下之事侍郎貳之糾劾責之都察院章奏達
之通政司平反參之大理寺亦漢九卿之遺意也

始置大學士特備顧問鮮所參決洪熙宣德中加至公孤遂為宰相位次冠六卿矣其餘司寺監苑咸設專官以率其屬外官則以總督巡撫總領其綱紀而巡按糾察之立法之初庶績咸理至於建都北平而南省猶設官屬朝廷猥以是為儲才臣子遂因之而養望終明之世不廢亦一代之制也是書一遵杜佑體例取其有關沿革及制度之大者分門纂輯其政蹟可紀及立言行事足備考核

者間為詮註以存掌故自唐肅宗至德以後官制有所更定者則標舉而類敘之無所更改則仍依杜佑舊文纂集遼金元明四朝其職掌同而銜名稍異仍依其職司所繫按類遞詳間有增補一二者亦依次附敘並著於篇至於官官削去秩品仍纂錄內侍省官職於治亂得失之由尤資考鏡恭奉

聖諭特於本篇下敬詳焉

第一歷代官制要畧

第二三公總敘

四輔二大附

太師 太傅 太保 太

宰 太尉 司徒 司空 大司馬 總敘三

師三公以下官屬

第三宰相 并官屬

門下省 侍中 侍郎 給事中 散騎常侍

遺 典儀 城門郎 符寶郎 宏文館校書 諫議大夫 起居 補闕 拾

中書省 中書令 侍郎 舍人 通事舍人 集賢學士 史官 主書

第四尚書上

尚書省

并總論尚書

錄尚書

尚書令

僕射

左右

丞 左右司郎中 員外郎 附

歷代尚書

歷代郎官

歷

代都事主事令史

行臺省

樞密院

知院事

同知院事

樞密副使

簽

承旨 副都承旨 官 客省使 斷事官

檢詳官

計議官

編修

第五尚書下

吏部尚書

侍郎 郎中 員外郎 司封郎中 員外郎 司勳郎中 員外郎

考功郎中

員外郎

主事附

戶部尚書

侍郎

郎中

員外郎

度支郎中

倉部郎中

員外郎

主事附

禮部尚書

侍郎

郎中

員外郎

祠部郎中

主客郎中

員外郎

主事附

兵部尚書

侍郎

郎中

員外郎

職方郎中

庫部郎中

員外郎

主事附

刑部尚書

侍郎

郎中

員外郎

都官郎中

員外郎

比部郎中

員外郎

司門郎中 員外郎 主事附

工部尚書

侍郎 郎中 員外郎 屯田郎中
虞部郎中 員外郎

水部郎中 員外郎 主事附

第六御史臺

御史大夫

中丞 侍御史 殿中侍
御史 監察侍御史 主

簿 典事 檢法 經 歷 都事 附

第七諸卿上

總論諸卿

少卿附

太常卿

丞 主簿 博士 太祝 奉禮郎
協律郎 兩京郊社署 太樂署 鼓

吹署

太醫院

太卜署

廩犧署

汾祠署

光祿卿

丞

主簿

大官署

珍羞署

良醢

衛尉卿

丞

主簿

武庫署

武器署

守宮

宗正卿

丞

主簿

崇元署

諸陵署

太廟

太僕卿

丞

主簿

乘黃署

典廐署

典牧

大理卿

正

丞

主簿

獄丞

司直

第八諸卿

鴻臚卿

丞

主簿

典客署

司儀署

監

司農卿

丞署

主簿

署

上林署

苑總監

太倉署

諸倉監

鈎盾司

竹監

溫泉湯監

諸屯監

搜粟都尉等官

典農中郎將等官

太府卿

丞藏署

主簿

常平署

諸市署

平準署

左右

祕書監

丞郎

祕書郎

校書郎

校書正字

附正字

太史局

著作

丞

殿中監

丞舍局

尚食局

尚乘局

尚藥局

尚輦局

尚衣局

奉御

長

第九諸卿下

內侍省

內侍 內常侍 內給事 內謁者監
內寺伯 掖庭局 宮闈局 奚官

局 內僕局 內府局

少府監

少監 丞 主簿 中尚左尚右尚
織染 掌冶等署 暴室等丞

將作監

丞 主簿 左校署 右校署 甄官
署 中校署 東園主章令

國子監

祭酒 司業 丞 主簿 國子博士
助教 太學 廣文 四門 律學

書學 算學等博士

軍器監

丞 主簿 甲坊署 弩坊署

都水使者

丞 主簿 舟楫署 河渠署

第十武官上

將軍總敘

左右衛

并親衛

左右驍衛

左右

武衛

左右威衛

左右領軍衛

左右金吾

衛

左右監門衛

左右千牛衛

左右羽林

衛

左右龍武軍

左右神武等軍附

第十一武官下

大將軍

并官屬

車騎將軍

衛將軍

前後左

右將軍

四征將軍

四鎮將軍

四安將軍

四平將軍

雜號將軍

監軍

軍師祭酒
理曹掾屬附

三署郎官敘

中郎將

五官中郎將
左右中郎將

虎賁

中郎將

四中郎將

東西
南北

雜中郎將

折衝

府

果毅別將等附

三都尉

奉車

駙馬

騎

奉朝請附

第十二東宮官

太子六傅

三太
三少

太子賓客

太子詹事

丞
主簿

直

司

太子庶子

中允
舍人

司議郎
通事舍人

中舍人
諭德

贊善 崇文館學士 洗馬 文學 校書
正字 典膳 藥藏 內直 典設 宮門等郎

太子家令

丞 主簿 典倉署 食官署 司藏署

太子率

更令

丞 主簿

太子僕

丞 主簿 廐收署

左右衛率府

副率以
下官屬

左右司禦率府 左右清道率府

左右監門率府 左右內率府 太子旅賁中

郎將 太孫官屬附

第十三王侯總敘 歷代王侯封爵 公主并官屬附

第十四州郡上

司隸校尉

州牧刺史

總論州佐

別駕主簿

功曹書佐 部郡國從事 典郡書佐 祭酒 從事 中正

都督

總管節度 團練 都統 等使 附

都護

第十五州郡下

京尹

京兆尹 左馮翊 石扶風 河南尹 留守 附

郡太守

總

論郡佐

郡丞 別駕 長史 司馬 錄事 參軍 司功 司倉 司戶 司兵 司

法 中正 司士 通守 參軍 事 五官 掾 經學 博士 郡 尉 醫 博士

縣令

總論縣佐

丞

主簿

尉

五百附

鄉官 鎮戍關市官

致仕官

第十六文散官 開府儀同三司 特進 光祿大

夫以下

武散官 驃騎將軍 輔國將軍 鎮軍將軍

以下 諸校尉附

勳官

內官 命婦附

第十七秩

幹力 帳內

白直 執衣

仗身 防閣

庶僕 邑士

親事 士力

門夫等 並附

致仕官祿

職田公廨田

第十八秩品一

并命數

第十九秩品二

并命數

第二十秩品三

并命數

第二十一秩品四

并命數

第二十二秩品五

歷代官制要畧

官數
三公
宰相
設官沿革
三老五更
封爵
祿

秩

官數

宋二萬四千員

遼官數無考

案遼史百官志所紀官屬如北南院官名約一百一十有奇北面官官名約一千五

百有奇南面官官名約八百有奇第紀銜名不載員額至所載六部職名總目祇書某人曾任某職以實之蓋

修遼史時已

難盡考矣

金一萬九千七百員

章宗泰和七年在位者四萬七千餘員較大定時多三倍

元一萬六千四百二十五員

明二萬四千六百八十三員

內官一千九百七十四員
外官二萬二千七百九員

官品

唐自一品至九品又置勳官九品

已詳通典

其勳品自正四

品起各分上下

正四品上曰正議大夫正四品下曰通議大夫從四品上曰太中大夫從四品

下曰中大夫正五品上曰中散大夫正五品下曰朝議大夫從五品上曰朝請大夫從五品下曰朝散大夫正

六品上曰朝議郎正六品下曰承議郎從六品上曰奉議郎從六品下曰通直郎正七品上曰朝請郎正七品

下曰宣德郎從七品上曰朝散郎從七品下曰宣義郎正八品上曰給事郎正八品下曰徵事郎從八品上曰

承奉郎從八品下曰承務郎正九品上曰儒林郎正九品下曰登仕郎從九品上曰文林郎從九品下曰將仕郎

宋自一品至九品各有正從凡十八品銓法分流內流

外流內所銓視其出身其流外出官之法共三十七條文階三十有七元豐時止二十四階

政和時始定三十七階武階五十有二封爵十二勳十二

遼官品無考宋遼史百官志北面官率用本部族人至有以太子親王用事者南面官兼使漢人

為之銜名採用唐制北南面皆有長貳以率其屬但品秩之崇卑資格之陞轉失傳久矣

金自一品至九品各有正從凡十八品文階四十有二

武職一二品皆用文資正三品以下階與文資同勳十

二

元自一品以至九品各有正從凡十八品文階四十有

二外司天散官各有十四階內侍散官各有十四階太醫散官各有十五階教坊散官各有十五階武

階三十有四勳十等

明自一品至九品各有正從凡十八品不及九品曰未

入流文階四十有二以歷考為差武階三十文勳十等武勳

十二等

設官沿革

唐集賢院大學士

通元院

即武德時太史局肅宗乾元元年改通元院置主簿

等行營都元帥 行營都都統

梁崇政院

唐為樞密院梁改崇政院後又為樞密院

宋樞密使

樞密之名始於唐代宗任宦者置內樞密使掌機密文書如漢中書謁者今是也若內中

處分則令內樞密使宣付中書門下施行其三司使職

權任已伴宰相矣五代置樞密使宋亦因之觀察使唐置宋

承宣使

防禦使

唐置宋

團練使

唐置宋

宣徽院

遼金

之大學士參知政事

職掌體制降宰相
一等具宰相篇

左右諭德職

儲閣者天聖熙寧建
儲時置遼明因之

都副承旨

五代時有承旨副承旨
以諸衛將軍充太宗太

平輿國中以楊守一充都
承旨都承旨自守一始也

檢詳

檢詳之職古無之神宗
熙寧四年詔以編修經

武要畧官四人王存陳侗陳奉世蘇液檢
詳樞密院諸房文字禮遇視中書檢正官

編修官

編修
官古

無之仁宗慶曆四年史館王洙承旨
單士寧編修例冊編修之名自此始

崇政殿說書

古無
此官

仁宗景祐元年命賈昌朝趙希言王宗道
楊安國並為崇政殿說書日輪二員祇候

開封府牧尹

為畿甸民牧漢為京
兆尹唐亦為京兆尹

制置使

經畧安撫使

走馬承

受古無是官職在有
邊警則馳驛上聞

撫諭使

高宗建炎時以金兵退後
人情未安以路文迪等為

撫諭使後諸路皆置都副鈐轄宋初以朝官及諸司使以上充或一州或一路或兩路三路亦有無

都字者仁宗嘉祐中詔內臣為鈐轄都監逐路止置一員初不常置成都大府帥臣第帶兵馬鈐轄兩武臣之

為鈐轄者與均禮兵馬都監宋兵馬都監有路分掌本路禁旅屯戍邊防訓練之政令以肅清所

部建炎三年以要郡守臣帶本路兵馬都監武臣一員充副都監紹興三年罷守臣兼兵職而副都監如故州

都監則以大小使充掌本城屯駐兵甲訓練差使之事在城巡檢資淺者為監押或雜用文臣其後止用武臣

路分都監客省引進使副使宣撫使英宗治平時以樞密院簽

事郭遠宣撫陝西後麟絳即以宣撫使拜相仍領使事建炎時以宰相出為宣撫或加處置二字入銜紹興後

或以武臣充之

遼大裕悅 北南樞密院 北南大王院 總知軍國

事 知國事 門下省 遼南面設門下省金初亦設海陵正隆時廢元不設 符寶

郎 遼南面符寶司屬門下省其官有符寶郎金設符寶郎四員掌御寶及金銀等牌屬殿前都點檢司元世

祖至元初立符寶局後 改典瑞監明為尚寶司 大特哩袞 治皇族之政教宋為宗正寺卿元為大宗

正明為 宗人令 伊勒希巴 以治刑獄宋為刑部 多囉倫穆騰 宋

禮部金元明 大林牙院 遼北西有大林牙院掌文翰之事南面有翰林院掌天子文翰

亦為禮部 之事金元明俱 大詳袞 遼有大詳袞司與大將軍並官止有翰林院 曰大詳袞曰都監曰將軍曰小

將軍曰軍 護軍司徒 衛軍司徒 皆大詳 御帳官 著

校曰隊師 袞所屬

帳官 大橫帳詳衮司

掌九帳皇族之事有詳衮太師太保司空郎君知事等官

宜從事 都副部署

掌行在行宮之政令有都部署副部署判官等官

審計院

掌錢穀出入之政

轉運司

遼設金元因之

金鎮撫彈壓官

宣宗貞祐元年九月設京城鎮撫彈壓官置招賢所 益政院 哀宗正大

元年詔設益政院於內廷置說書官二人

機察官

哀宗天興二年設蔡州四隅機察官

審官院

有知院同知審官院事等官掌奏駁除授失當事如御史臺明為六科給事中 衛尉司

有中衛尉等官

掌宮中諸務及扈從儀仗 行中書省

貞祐二年置行省於陝西元從之制行中書省凡十秩掌國庶

務統郡縣鎮邊鄙與都省為表裏

惠民司

四方館使

警巡院使

平理

獄訟警察刑部設於諸京者

中都都麴司使副使

宋為酒醋稅監稅

提舉議

察使

文思署

隸於少府監官綾錦院

置於真定平陽太原河間懷州掌織造織器

事皆屬工部

明安

穆昆

諸紉詳袞

守戍邊堡

元中政院

供奉中官之事

都護

順帝至正時置鎮北庭都護府於畏吾境以托克托穆爾等領

其事秩從二品惟世宗幸承天以郭勳為都護大將軍

提刑按察使

元初立提刑按察司四道曰山東山西道曰河北河南道明因之

經畧

使

遼金不設至正時命經畧使問民疾苦明不專設有兵事則暫救行事

行樞密院

唐制內樞

密五代及宋皆置樞密世祖中統時置行樞密院掌征伐事還則罷

行院

中統時置行院為一方一事而

設事已
則罷

左右翼屯田萬戶府

經理幹端別十八里迴
環漢軍及新附之軍

行

御史臺

至元中設於各
道品秩同內臺

制國用使

至元時立掌國用經
制悉統千戶隸兵工

二部都總制庸田司使

至正時置總理軍民
屯田事以重臣為之

水軍元帥府

至正時置藝文監

文宗天曆時置專以國語數譯儒
書及儒書之宜校讐者俾兼治之

侍正府

有侍正同知僉府等
官掌內廷近侍之事

儲政院

天曆二年改詹
事院為儲政院

左右都威

衛使司

以侍衛親軍為之
設以護衛宮禁

內宰司

有內宰司丞等官
掌內府飲膳之事

史府

至元時置有內史中尉司
馬諮議等官為王府祿屬

長信寺

古無此官成宗
大德時置長信

寺領大鄂爾多
齊哩克昆諸事

長秋寺

仁宗皇慶時置掌武宗五鄂
爾多戶口錢糧營繕諸事

承

徽寺

英宗至治時立掌達爾瑪實哩皇后位下錢糧營繕等事

長寧寺

至治時立掌蘇喀巴拉皇

后位下戶口錢糧營繕等事

寧徽寺

天歷時置赫班布爾實皇后位下

長慶寺

泰定時立

掌成宗鄂爾多及常歲管辦未失房子行幸集寨台人等衣糧之事

武備寺

至元時置掌繕治戎器兼

典受給

尚乘寺

至元時置掌御馬及羣牧事

利用監

至元時置掌出納皮貨衣物之事

章佩監

武宗至大時置掌御用帶服

經正監

掌營盤納鉢及標撥棹下草地有詞訟則治之

尚供總管府

掌守護行宮及遊獵供需之事

雲需總管府

掌守護行宮及行營供辦

之徽政院

世祖至元三十一年太子裕宗薨以詹事院錢糧進法工役悉歸太后位下改為徽政院

以掌之順帝元統時依太皇太后故事復為皇太后置設立官屬三百六十有六人

都總裁

至正三年

詔修遼金宋三史以右丞相托克托為都總裁平章特穆爾達實右丞賀惟一中丞張起巖翰林學士歐陽元

侍御史呂思誠翰林侍講大禧宗禋院掌禋享大撫軍

院至元二十七年皇太子總大都督分府至正十年立

明內閣大學士太祖洪武時革去中書省倣宋制置殿閣學士以翰林等官參預機務成祖永

樂時始名內閣班在六部之上都察院左右都御史左右副都御史

左右僉都御史 總督 提督倉場 督餉侍郎

督理錢法侍郎皆隸戶部總督京營戎政世宗嘉靖時置巡撫 操

江巡按 巡江 巡視京營 提學 巡倉 巡庫

巡視光祿 巡青 恤軍 監課 清軍 刷卷

巡鹽 巡河 巡關 巡茶 印馬 屯田 捕盜皆御

史差協理京營戎政嘉靖時命兵部尚書劉天和翰林院

庶吉士洪武時置字制誥史冊文翰之事無定員五經博士皆以先聖先賢後裔為之行

人司司正司副 錦衣衛指揮使洪武時置職掌緝捕刑獄之事及函簿儀

伏扈從宿衛等職鎮撫司永樂時置治詒獄府尹 府丞應天順天府少詹

事 苑馬寺正卿 少卿 行太僕寺正卿 少卿

布政司明置承宣布政使司初為行中書省或分中書省六部尚書往往出為參知政事參政入

為尚書

左右參政

左右參議

按察司副使

僉事

鹽運同知

五軍都督府

留守司

宣慰司

宣撫

司安撫司

掛印將軍

總兵

副總兵

參將

遊擊

守備

備倭

把總

封爵

唐王

正一品

嗣王郡王國公

從一品

開國郡公

正二品

開國縣

公

從二品

開國縣侯

從三品

開國縣伯

正四品

開國縣子

正五品

開國縣男

從五品凡上皇兄弟皇子皆封國為親王皇太子為郡王親王之子承嫡者為嗣王諸

子為郡公以恩進者封郡王襲郡王嗣王者封國公案
通典封爵內載唐國王郡王國公郡公開國郡公縣公
開國縣侯伯子凡九等今考史所載畧異或
係天寶後更定而史不傳其年月因並詳之

五代多沿唐制其時封王及郡王國公者為多

梁李仁福封朔

方王葛從周封陳留郡王高萬興封渤海郡王馮行襲
封長樂郡王後唐封張全義為齊王晉桑維翰封魏國
公周高行
周封齊王

宋王嗣王郡王國公郡公開國公開國郡公開國縣公

開國侯開國伯開國子開國男十二等

兄弟封國為親
王親王嫡子為

嗣王宗室近親封郡王或封郡公其開國公侯伯子男
皆隨食邑二千戶以上封公一千戶以上封侯七百戶

以上封伯五百戶以上
封子三百戶以上封男

遼封爵無考

案百官志載遼制屬國屬部官大者擬王封小者準部使而爵之差等不載焉及考

皇子表雅斯哈封太平王迪里封奠王隆祐封鄭王
魯封燕國王布古台封柳城郡王侯古封混同郡王考
諸臣列傳韓延徽封魯國公韓德樞封趙國公趙延壽
封魏王室昉封鄭國公蕭相封蘭陵郡王耶律實魯封
韓王都魯封漆水郡王耶律休格封宋國公薩巴封武
寧郡王蕭阿魯封蘭陵縣公獨侯伯子男鮮見豈是時
王公以外即無封
爵抑史之失傳與

金王郡王國公郡侯郡伯

舊曰縣伯承安二年改

縣子縣男

凡八等食邑王萬戶實封一千戶郡王五千戶實封五

百戶國公三千戶實封三百戶郡公二千戶實封二百戶郡侯一千戶實封一百戶郡伯七百日縣子五百戶縣男三百戶皆無實封

元王郡王國公郡公郡侯郡伯縣子縣男凡八等

內郡侯有

正二品從三品之分郡伯有正四品從四品之分惟郡王國公時有除拜餘則

止於封贈用之

明公侯伯凡三等

封功臣及外戚皆有流有世功臣則給鐵券封號四等曰開國輔運推誠

曰奉天靖難推誠曰奉天翊運推誠曰奉天翊衛推誠武臣曰宣力武臣文臣曰守正文臣歲祿以

功為差已封而又有功則進爵增祿

案明史職官志封爵祇有公侯伯三

等較前代封爵為獨少惟駙馬都尉在伯上考列傳載徐達封中山王常遇春封開平王李文忠封岐陽王鄧愈封寧河王湯和封東甌王沐英封黔寧王皆卒後追封者諸王世表凡宗支嫡派分藩於外者皆王號考功臣世表又有盱眙縣子王清羅山縣子王鳳顯定遠縣子姜潤梁縣子石明等十二人當塗縣男王愷丹陽縣男孫炎合肥縣男徐明五河縣男王理等十人皆從征死事者此係明初追贈所封故洪武後即不槩見自建文至崇禎凡功臣外戚以及恩倖所得封者惟金忠以外藩歸附封忠勇王而其外皆公侯伯焉故史所載封爵止此三等

三公

唐親王拜三公者不親事祭祀闕則攝

唐以太尉司徒司空為三公已

詳杜佑通典

三師自代宗廣德以後始以授宰相勳臣及藩

鎮

唐以太師太傅太保為三師

五代時不常置

宋以太師太傅太保為三師太尉司徒司空為三公

遼以裕悅為三公復置南面官以太師太傅太保為三

師太尉司徒司空為三公

案遼史百官志載裕悅坐而論議以象公師其敘大裕悅

府則云無職掌位在百僚之上遼之尊官猶南面之有三公又載南面朝官三師府有太師太傅太保三公府

有太尉司徒司空是裕悅為國制之崇秩而三師三公則既得燕代十六州以後採用唐制而設者也

金以太師太傅太保為三師太尉司徒司空為三公

元以太師太傅太保為三公

明以太師太傅太保為三公少師少傅少保為三孤

宰相

唐肅宗至德以後宰相率領他職

如用兵時則加節度使銜崇儒學則為大

學士急財用則為鹽鐵轉運使又其甚則為延資庫使至於國史太清宮之類史所稱品類頗多

梁以門下侍郎及中書侍郎同中書門下平章事為宰

相

後唐晉漢並因其舊後唐復有行臺左丞相右丞相

周以中書令及中書侍郎同中書門下平章事為宰相
宋以三公及同平章事為宰相左右僕射亦為宰相後
又改左右僕射為左右丞相親王樞密使留守節度使
有兼侍中中書令同平章事者皆謂之使相不預政事
非宰相也

遼有北宰相府左右宰相南宰相府左右宰相南面官

有東京中京南京左右宰相左右平章政事

金以尚書令左丞相右丞相平章政事為宰相

元以中書令左丞相右丞相平章政事為宰相

明初有左右相國

洪武元年改為左右丞相

平章政事左右丞參知

政事等官屬中書省以掌庶政後革中書省置殿閣大學士列六部之上遂為相職

三老五更

三老五更自唐至宋遼金元明皆無

祿秩

唐自天寶十四載兵興後權臣增領諸使月給厚俸比

開元制祿數倍

制祿法已詳杜佑通典

至德初以用物不足內外

官不給料錢郡府縣官給半祿

五代時官制不常文臣多兼武職或權領諸使祿亦無定制

宋自仁宗嘉祐時始著祿令宰相而下至嶽瀆廟主簿凡四十一等熙寧已前無所損益元豐一新官制職事

官職錢以寄祿官高下分行守試三等大率官以祿令為準而在京官司供給之數皆併為職錢如大夫為郎官既請大夫奉復給郎官職錢視嘉祐時賦祿為優至徽宗崇寧間蔡京秉政吳居厚張康國輩於奉錢職錢外復增供給食料等錢如京僕射奉外又請司空奉其餘儻從錢米並支本色餘執政皆然視元豐時增倍矣南渡之初兵興費絀宰執祿奉權損半支給其後內外官有添支料錢職事官有職食厨食錢職纂修者有折

食錢在京釐務官有添支錢添支米選人使臣職田不及者有茶湯錢其餘祿粟僦人悉還疇昔有宋制祿之法先後凡三變其奉數職田詳見後祿秩篇中

遼聖宗統和四十六年四月詔罷民輸官奉給自內帑金百官奉給正一品錢粟自三百貫石至二百二十貫

石有差麩米麥各五十稱石至三十五稱石有差

春秋衣羅

綾絹疋綿兩及職田從一品錢粟二百貫石至一百八

詳後祿秩篇下倣此

十貫石有差麩米麥各三十稱石至二十五稱石有差

正二品錢粟一百五十貫石麩米麥各二十二稱石從
二品錢粟一百四十貫石至一百二十貫石有差麩米
麥各二十稱石至十八稱石有差正三品錢粟一百貫
石至七十貫石有差麩米麥各十六稱石至十二稱石
有差從三品錢粟六十貫石麩米麥各十四稱石至十
稱石有差正四品錢粟五十貫石至四十五貫石有差
麩米麥各十二稱石至八稱石有差從四品錢粟四十
八貫石至四十貫石有差麩米麥各十稱石至七稱石

有差

明安無
麩米麥

正五品錢粟三十五貫石至三十貫石有

差麩米麥各八稱石至六稱石有差從五品錢粟三十

貫石至二十貫石有差麩米麥各六稱石至四稱石有

差

穆昆無
麩米麥

正六品錢粟二十五貫石至二十貫石有差

或麥五石或麩米麥各三稱石從六品錢粟二十二貫

石麥五石正七品錢粟二十二貫石至一十八貫石有

差或麥四石或麩米麥各二稱石從七品錢粟一十八

貫石至一十五貫石有差麩米麥各二稱石一稱石有

差正八品錢粟一十五貫石至一十貫石有差或麥三石或麩米麥各一稱石或無從八品錢粟一十三貫石或麥三石二石有差或麩米麥各一稱石正九品錢粟或同從八品或一十二貫石至一十貫石有差或麩米麥各一稱石或麥二石至一石有差從九品錢粟一十二貫石至七貫石有差麥二石一石有差


元世祖至元二十二年定百官奉例各品又分差等從一品有六定五定之差正二品有四定二十五兩四定

一十五兩之差從二品分三等四定及三定三十五兩
三定二十五兩正三品分三等三定二十五兩三定一
十五兩及三定從三品分三等三定及二定三十五兩
二定二十五兩正四品分三等二定二十五兩二定一
十五兩及二定從四品分三等二定及一定四十五兩
一定四十兩正五品已下皆二等正五品一定四十兩
一定三十兩從五品一定三十兩一定二十兩正六品
一定二十兩一定一十五兩從六品一定一十五兩一

定一十兩正七品一定一十兩一定五兩從七品一定
五兩及一定正八品一定及四十五兩從八品四十五
兩及四十兩正九品四十兩及三十五兩從九品三十
五兩其米數畧備後祿秩篇中

明正一品月俸米八十七石從一品至正三品遞減十
三石至三十五石從三品二十六石正四品二十四石
從四品二十一石正五品十六石從五品十四石正六
品十石從六品八石正七品至從九品遞減五斗至五

石而止



欽定續通典卷二十三

欽定四庫全書

史部

欽定續通典卷二十四

詳校官監察御史臣曹錫寶

洗馬臣王坦修覆勘

校對官編修臣何循

謄錄監生臣王元鳳

欽定四庫全書

欽定續通典卷二十四

職官

臣等謹案杜佑通典官制要略篇宰相已後祿秩已前有三老五更一條而於此卷三公總敘條前復專設三老五更之日卷中所載事蹟略同大約前敘其人後明其禮今考自唐以後此禮不行無可綴輯故於前卷仍存其目而此從刪省衍複也

三公總敘

四輔二大附

唐肅宗至德後三師不常置多為藩鎮勳臣宰臣優禮之官三公亦不常置五代三公三師不常置多以昇藩鎮及贈官宋以太師太傅太保為三師太尉司徒司空為三公為宰相親王使相加官其特拜者不預政事遼以大裕悅為三公惟有大功德者始得除授焉其制南面官置三師府有太師太傅太保少師少傅少保三公府有太尉司徒司空金三師有太師太傅太保師範一

人儀刑四海三公有太尉司徒司空論道經邦變理陰陽元三公有太師太傅太保各一人特賜銀印以道變陰陽經邦國示尊崇也太宗即位始建三公至世祖之世其職常缺僅置太保一員至成宗武宗時三公並建無虛位明三公有太師太傅太保三孤有少師少傅少保掌佐天子經邦宏化其職至重無定員無專授建文永樂間罷公孤官仁宗復設宣宗宣德三年敕太師英國公張輔少師吏部尚書蹇義少傅兵部尚書華蓋殿

大學士楊士奇少保兼太子少傅戶部尚書夏原吉各
輟所領侍左右咨訪政事公孤之官幾於專授自此以
後公孤但存虛銜為勳戚文武大臣加官贈官而文臣
無生授者惟洪武九年四月增置四輔官告太廟以王
本杜祐龔敷為春官杜敷趙民望吳源為夏官兼太子
賓客秋冬官缺以本等攝之一月內分司上中下三旬
位列公侯都督之次寵任特專後雖改罷其制亦異於
前代焉

太師

太師古官唐昭宗乾寧元年以李克用守太師唐制以太師師範一人儀刑四海其職至重終唐之世拜是官者惟克用一人

梁太師不常置末帝龍德時加韋震太師

後唐太師不常置莊宗同光初拜張全義太師明宗天成中贈霍彥威太師

晉以太師為贈官出帝開運中贈烏震為太師

周亦以太師為贈官世宗顯德中贈王進為太師

宋以太師為異數趙普以開國元勳拜太師文彥博以累朝耆德拜太師曾公亮除守司空檢校太師神宗元豐三年以曹佾檢校太師徽宗大觀二年蔡京為太師政和二年九月詔以太師太傅太保古三公之官今為三師古無此稱合依三代為三公宣和末蔡京童貫鄭紳皆拜太師光宗紹熙初史浩為太師自後韓侂胄史彌遠賈似道皆至太師焉

遼大裕悅如南面之有三公太祖以約尼氏裕悅受禪
終遼之世以裕悅得重名者三人耶律赫魯烏哲仁先
謂之三裕悅南面官太師穆宗應歷三年有太師唐古
特

金三師府置太師一員可考者共十一人烏雅宗強宗
賢宗磐宗幹宗弼張浩塔延溫屯思忠圖克坦克寧圖
克坦恭赫舍哩執中追贈者六人宗傑宗敏宗雄宗望
達春圖克坦貞

元太師最為尊崇太祖十二年以國王置太師一員自後其職常缺

明太師其秩最尊太祖洪武三年授李善長太師宣宗宣德三年授張輔為太師以後加至太師者朱永張懋張鶴齡徐光祚郭勛朱希忠張居正

太傅

太傅古官唐太傅不常置至德以前未有拜是官者文宗太和三年以王智興為太傅九年以李載義守太傅

昭宗光化元年以韓建守太傅

五代以太傅為贈官梁太祖贈劉捍為太傅後唐明宗長興中贈趙光逢為太傅閔帝應順中贈周知裕為太傅晉高祖天福中贈楊思權為太傅周太祖廣順中贈趙瑩為太傅

宋初以王旦為太傅任宰相者二十年徽宗宣和末拜太傅者四人王黼燕王侯越王偲鄆王楷南渡後拜張俊韓世忠為太傅以武臣之有大勲業而特拜焉以後

楊沂中吳璘並為太傅

遼大裕悅擬太傅南面朝官則太宗會同元年命馮道
守太傅彌文耶律楊六亦為太傅

金三師府置太傅一員其可考者二人宗本蕭仲恭
元初三公之位或置或不置太祖本紀有太傅額特

明初拜徐達太傅以其開國元勳而特命焉藍玉亦領
太傅其後世宗嘉靖二年以張居正拜太傅郭勛由太
子太傅加太傅

太保

太保古官唐太保不常置至德以前未有是官代宗廣德元年以僕固懷恩為太保憲宗元和七年杜佑罷宰相後以太保致仕文宗太和四年以平章事李載義守太保僖宗中和三年以建王震守太保光啟三年以宰臣韋昭度為太保

梁以太保為贈官末帝貞明中贈馬嗣勳太保後唐太保不常置天成中以趙光逢為太保

晉太保不常置開運中以劉煦為太保

宋制凡除拜必自司徒遷太保元豐八年以曹侂守太保至宣和末除拜者蔡攸肅王樞儀王栲紹熙初嗣秀王亦為太保

遼大裕悅擬太保南面官太宗會同元年劉煦守太保
金三師府太保一員可考者五人宗隽宗翰宗固宗昂
李石

元三公不常置世祖時祇置太保一人

明初贈常遇春太保郭勛先加太保朱希忠由太子太傅加太保大同總兵官周尚文亦加太保

太宰

太宰於殷為六太唐及五代皆無是官至宋徽宗政和

中設改左僕射為太宰

欽宗靖康元年詔依元豐舊制仍改為左僕射

遼金元

明無之

太尉

太尉秦官唐制非有大功者不授是官肅宗至德二載

以廣平郡王俶為太尉上元二年加李光弼太尉代宗
廣德二年加郭子儀太尉大歷八年加田承嗣為太尉
德宗建中二年朱泚為太尉貞元三年以李晟為太尉
武宗會昌四年以宰臣李德裕守太尉

梁太尉不常置貞明中加牛存節太尉亦為贈官王景
仁曾贈太尉

後唐以太尉為贈官明宗贈孔循王師範為太尉

晉開運中加馮道為太尉閻寶為檢校太尉亦為贈官

天福中贈房知溫劉審交為太尉

宋初制在位久近或已任司空司徒者則拜太尉故太傅王旦司徒呂夷簡各任宰相二十年始得以太尉致仕又文彥博以定策功除守太尉大觀元年蔡京為太尉至政和二年九月詔以太尉係秦主兵之任非三公之官罷之乃定為武階之首秩在節度使上秩正一品高宗建炎三年劉光世始以檢校太保除太尉自後或以檢校三少或以節度使不帶檢校皆繼進太尉則進

使相竟為除授之序

遼南面朝官有太尉太宗天顯元年除授太尉趙思溫
金三公府置太尉一員秩正一品其可考者五人沃梭
梧桐完顏匡裴滿達布薩師恭追贈者二人承暉富察
鼎壽

元初三公三師之職常缺史載太尉之屬或置或不置
或開府或不開府仁宗延祐五年御史上言比年名爵
濫冒太尉等官接迹於朝前奉詔裁罷中外莫不忻悅

近聞禮部奉旨鑄太尉等印二十有九誠恐載在史冊
貽誚將來請將閩閩貴重勲業昭著者留存一二餘並
革去制曰可見仁宗以後較中統至元時多置矣

明制三師三孤內無太尉

三公三孤
詳見前

故生受者既無此

職追贈者亦無此銜

司徒

司徒古官唐司徒不常置代宗廣德二年以李抱玉為
司徒大歷十四年以同平章事李正己為司徒德宗貞

元三年以馬燧為司徒憲宗元和元年以同平章事杜佑為司徒穆宗長慶四年加橫海節度使李光顏守司徒文宗太和元年加天平節度使烏重允守司徒武宗會昌元年以李德裕為司徒宣宗大中六年以白敏中檢校司徒懿宗咸通三年以同平章事杜悰為司徒僖宗中和元年以王鐸為司徒

梁開平中拜趙光逢為司徒

周為贈官顯德中贈盧文紀為司徒

宋制授司徒始得遷太保或再加太尉呂夷簡為司徒
任宰相二十年熙寧六年文彥博除守司徒元豐三年
以曹佺守司徒兼中書令富弼亦守司徒錄定策功也
政和二年九月詔司徒為周六卿之官本非三公宜罷
之仍考周制立三孤少師少傅少保亦稱三少為次相
之任而司徒之職遂闕焉

遼南面官有司徒世宗天祿元年見司徒劃設

金三公府置司徒一員可考者一人張通古追贈者一

人永慶

元初三公或置或不置或開府或不開府考李孟傳言
司徒等官自大德以來封爵繁多宜汰罷從之仁宗時
馬祖常言司徒古三公之流近歲如沈宗攝汪元昌亦
授此職實為非便其時拜司徒者必多矣

明制三公三師內無司徒故生授者無此官追贈者亦
無此爵

司空

司空古官唐司空不常置至德二載以同平章事郭子儀李光弼為司空寶應元年以李輔國為司空廣德元年以李抱玉為司空元和三年以于頔守司空十五年以裴度守司空太和九年以同平章事王涯守司空會昌二年以同平章事李德裕為司空大中六年以白敏中守司空咸通六年以福王綰為司空三年以同平章事杜悰守司空僖宗廣明元年榮王愷守司空乾寧二年以孔緯徐彥若為司空

梁司空不常置開平中以趙光逢為司空

後唐廢帝清泰時以馮道為司空亦為贈官長興中贈

鄭珏為司空

晉天福中以劉煦為司空以馮道守司空

周司空不常置廣順中以盧文紀為司空

宋初制為三公已任司空則拜太尉熙寧二年富弼除

守司空三年曾公亮除守司空以兩朝定策功也元豐

八年王安石守司空哲宗元祐元年呂公著守司空同

平章軍國重事徽宗崇寧三年蔡京授司空政和二年九月詔以三師為三司空為周六卿之官並非三公因裁罷

遼南面官有司空聖宗統和三十年有司空邢抱質金三公府有司空一員可考者二人劉箬高楨

元初三公不常設李孟傳言司空之職冗濫請裁汰詔可其奏仁宗延祐五年監察御史上言近聞禮部鑄司空等印此輩無功於國家請革去從之是成宗時此職

甚多非國初之制

明制三師三公內無司空故無生拜者亦無追贈者

大司馬

大司馬古官五代及宋遼金元明並無之

案杜佑通典曰大司馬古

官也掌武事自簡無之考周官司馬掌邦政統六師平邦國白虎通曰司馬主兵韋昭辨釋名曰司馬武也大

總武事也大司馬掌軍漢官序曰司馬主兵是古之司馬掌國家之兵政有大征伐則主之宋設樞密院掌軍

國機務兵防邊備我馬之政令出納密命以佐邦治遼設北樞密院掌兵機武銜章牧之政金元皆設樞密院

掌武備機密其與古之大司馬官名異而職任同明則始建樞密院繼改為大都督府尋添設五府都督掌軍

旅之事有大征伐則掛將軍印以出
既事而納之亦即古之大司馬也

總敘三師三公以下官屬

三師

太師太傅太保五代及宋金元明皆同遼大裕悅
即是南面官三師府與宋金元明同明以三師為

三公一太

太尉司徒司空五代及宋金元同遼大裕
悅即是南面三公府與宋金元同明無

三孤

少師少傅少保稱
三孤惟明有之

有實授有加銜宋政和二年九

月詔以太師太傅太保古三公之官今為三師古無此

稱合依三代為三公為真相之任宰相佐天子總百官

平庶政事無不統故其時太傅王旦司徒呂夷簡任宰

相二十年富弼除守司空兼侍中平章事曾公亮除守
司空大師兼侍中文彥博除守司空兼侍中曹侂檢校
太師守司徒兼中書令宋承唐制以同平章事為真宰
相即以三師三公為之侍中中書令亦相職也其時三
師三公為宰臣之晉秩或褒功德或獎賢勞特除拜加
銜耳宰臣自有本職官屬也三師三公下不特設官屬
遼大裕悅無職掌班百寮之上故大裕悅府無官屬南
面朝官三師府三公府亦無官屬金三師三公府無官

屬元初三公之職常缺至大後史稱或置或不置亦無
官屬明三公三孤皆為宰臣加銜或為贈官不置府無

官屬

欽定續通典卷二十四

欽定四庫全書

欽定續通典卷二十五

職官

宰相

并官屬

唐肅宗至德後或以藩鎮領宰相職員數最多

是時劍南節度

使崔國弼方節度使郭子儀河東節度使李光弼並同中書門下平章事憲部侍郎郭房瑄河西行軍司馬裴冕

文部侍郎韋見素蜀郡守崔渙憲部尚書李麟侍御史張鎬並同中書門下平章事

是時朝廷新

復百度未修故脩位者衆然為侍中者惟李光弼中書

令惟郭子儀而已至代宗時員數較少而時政最急者率以宰相領其官故元載以中書侍郎領句當轉運租庸支度使又兼判元帥行兵司馬杜鴻漸以平章事兼莊宅使復持節山南西道劍南東川西川邛南西山等道副元帥王縉以侍中都統河南淮南淮西山東道行營節度使德宗興元以後宰臣所領之官更多舛雜其時同平章事盧翰加太微宮使劉從一領集賢殿大學士李勉加太清宮使為中書令者惟李晟然又兼鳳翔

隴右諸軍涇原四鎮北庭行營兵馬元帥憲宗元和已

來宰臣員數漸減然多領鹽鐵及判度支

皇甫鉞竇易直裴度李石

李紳盧商崔元式周墀崔龜從蕭郁劉琰杜悰曹確蕭
邁張濬韋貽範獨孤損皆同平章事兼判度支程異王
播王涯李固言李石楊嗣復杜悰馬植裴休夏侯
孜于琮劉鄩韋貽範皆同平章事兼鹽鐵轉運使僖宗

光啓後宰臣易置不常加司徒司空者極乎冗濫制度

尤日紊矣

梁以中書門下兩侍郎及同中書門下平章事為宰相
然是時改樞密院為崇政院命敬翔知院事以備顧問

參謀議承上旨宣於宰相而行之宰相非時奏請皆因以聞是亦相職也後唐以門下侍郎及中書侍郎同中

書門下平章事為宰相又置中門使樞密使典領機密

權與宰相等晉以中書侍郎同門下平章事為宰相是

時宰相每兼樞密使

桑維翰李崧皆同平章事兼樞密使

間有特拜中書

令及侍中者

宋帝開運二年以趙瑩為中書令李崧守侍中

漢亦以中書侍郎

同中書門下平章事為宰相周亦以中書侍郎同中書

門下平章事為宰相亦有拜中書令者

太祖廣順元年拜馮道中書令

五代時日相征討武臣用事任宰相者多則一二年少或數月廢置不常無可載焉

宋初宰相不專任置中書禁中是為政事堂與樞密院對掌大政以同平章事為宰相之職無常員有二人則分日知印以丞郎以上至三師為之其上相為昭文館大學士監修國史其次為集賢院大學士或置三相則昭文館集賢院二學士併監修國史並除因唐以來三大館皆宰相兼故仍其制如范質昭文學士王溥監修

國史魏仁浦集賢學士此三相例也參知政事掌副宰

相毗大政參庶務太祖乾德二年以樞密直學士薛居

正兵部侍郎呂餘慶並本官參知政事

先是已命趙普為相欲置之副

而難其名稱以問陶穀曰下宰相一等有何官對曰唐有參知機務參知政事故以命之不押班不

知印不升政事堂殿廷別設磚位敕尾署銜降宰相月

奉雜給之半開寶六年始詔居正餘慶於都堂與宰相

同議政事太宗至道元年詔宰相與參政輪班知印同

升政事堂押敕齊銜行則並馬自寇準始以後不易神

宗時定元豐新制於三省置侍中中書令尚書令以官
高不除人而以尚書令之貳左右僕射為宰相左僕射
兼門下侍郎以行侍中之職右僕射兼中書侍郎以行
中書令之職廢參知政事置門下中書二侍郎尚書左
右丞以代之哲宗元祐中以文彥博呂公著平章軍國
重事序班在宰臣上所以處老臣碩德特命以寵之也
或兩日或五日一朝非朝日不至都堂時待老臣禮遇
極優司馬光疾詔免朝覲許乘肩輿三日一入省徽宗

政和中改左右僕射為太宰少宰仍兼兩省侍郎靖康中復改為左右僕射高宗建炎三年呂頤浩請酌三省之制左右僕射並加同中書門下平章事門下中書二侍郎並改為叅知政事廢尚書左右丞從之孝宗乾道八年詔尚書左右僕射可依漢制改為左右丞相詳定敕令所言近承詔旨改左右僕射為左右丞相令刪去侍中中書尚書令以左右丞相充緣舊左右僕射非三省長官故為從一品令左右丞相係充侍中中書尚書

令之位即合為正一品從之丞相官以大中大夫以上
充參政以中大夫以上充常除二員或一員寧宗嘉泰
三年始除三員故事丞相謁告參預不得進擬惟丞相
未除則參預輪日當筆多不踰年少纔旬月獨孝宗淳
熙初葉衡罷相龔茂良行相事近三年亦創見也及寧
宗開禧元年韓侂胄拜平章討論典禮乃以平章軍國
事為名蓋省重字則所預者廣去同字則所任者專邊
事起乃命一日一朝省印亦歸其第宰相不復知印其

後賈似道竊位專權尊寵日隆位皆在丞相上其與元祐中之文彥博呂公著同例矣至於親王樞密使留守節度使兼侍郎中書令同平章事者皆謂之使相不預政事不書敕惟宣敕除授者敕尾存其銜而已

遼北宰相府有左右宰相掌佐理軍國之大政皇族四帳世預其選南宰相府有左右宰相掌佐理軍國之大政國舅五帳世預其選太祖天顯元年大東丹國置中臺省有左大相右大相左次相右次相其屬部設有某

部左宰相某部右宰相

位在大王下

屬國設有某國左相某

國右相

位在大王裕悅下

命其酋長與遼人區別而用之恩威

兼制此皆北面宰相之制聖宗統和二十一年七月召

北府宰相蕭塔喇葛宰相漢王貼不及等賜坐論古今

至道倣古制也其南面官則於中書省設大丞相左丞

相右丞相同中書門下平章事參知政事尚書省有左

僕射右僕射其三京宰相府

遼有五京上京為皇都朝官京官皆有之四京隨宜

制官為制不一西京多邊防官南京中京多財賦官三京謂東京中京南京也

有左相右相左

平章事右平章事蓋既得燕代後倣唐制也

金左丞相右丞相各一員平章政事二員從一品金鍍

銀印鍍金三字為宰相反左右丞各一員正二品參知政

事二員從二品印與郡王及一品官同

金制二品官金鍍銅印惟宰相

與親王一
一品同

為執政官為宰相之貳俱例於尚書省位在尚

書令下熙宗時率以宗室王公除拜丞相平章政事或

參知政事往往帶元帥銜出則統軍入則佐政禮遇亦

極優焉海陵正隆元年罷平章政事

時平章政事張暉罷遂不置平章政

事官至世宗大定元年始復置以移刺充之世宗即位重任宰臣屢加飭諭

大定元年諭宰臣曰進賢退不肖宰臣之職二年又諭宰臣當參民間利害及時事之可否以時陳奏四年諭宰臣奏事當以治國安民為要五年又諭宰臣盡公舉薦六年又諭宰臣當知人才優劣舉實才為國用八年又諭宰臣當輔不逮毋阿順取容十年諭宰臣朕居深宮不知外事卿等當注意大定二十四

年制外任官曾為宰執者凡吏牘上省部依親王例免書名二十五年以宰臣年老艱於久立命左右置小榻廊下使少休息章宗明昌元年幸宰臣圖克坦克寧第視疾賜銀一千五百兩絹二千疋詔尚書省曰太傅年

高每趨朝而又赴省恐不易自今旬休外四日一居休庶得調攝常事他相理問惟大事白之可也六年賜宰臣手詔以風俗不淳官令苟且責之承安三年詔有司宰相遇雨可循廊廡出入五年上與宰臣論置相曰圖克坦鎰朕志先定賈鉉如何皆曰知延安府事孫即康可平章政事張萬公亦曰即康及第先鉉一榜上曰至此安問榜次特以賈才可用耳其所以慎擇宰臣者如此泰和元年諭刑部官凡上書人言及宰相者不得申

省是時平章政事張萬公乞致仕已三四次矣優詔不許宣宗興定三年以天暑詔宰相四日一奏事又詔宰相執政以下不得召部寺官

元之相職較前代獨多曰中書令曰左右丞相曰平章政事曰左右丞曰參政雖分長貳皆佐天子出令太祖

嘗以相臣為中書令典領百官會決庶務

元制中書令位在丞相上

往往以皇太子兼領

右丞相左丞相各一員統六官率百司居令

之次令缺則總省事佐天子理萬幾國初職名未創太

宗始置右丞相一員左丞相一員世祖中統元年置丞相一員二年復置右丞相二員左丞相二員至元二年增至五員七年立尚書省置丞相三員八年罷尚書省乃置丞相二員二十四年復立尚書省其中書省丞相二員如故二十九年以尚書省再罷專任一相武宗至大二年復置尚書省丞相二員中書省丞相二員四年尚書省仍歸中書丞相凡二員自後因之不易文宗至順元年專任右相其一或置或不置

以上丞相平章政事掌

機務貳丞相凡軍國重事無不由之世祖中統元年置
平章二員二年置平章四員至元七年置尚書省設尚
書平章二員八年尚書併入中書平章復設三員二十
三年詔清冗職平章汰為二員二十四年復尚書省中
書尚書兩省平章各二員二十九年罷尚書省增中書
平章為五員而一員為商議省事三十年又增平章為
六員成宗元貞元年改商議省事為平章軍國重事武
宗至大二年再立尚書省平章三員中書省平章五員

四年罷尚書省歸中書平章仍五員文宗至順元年定
置四員自後因之

以上平章政事

右丞左丞副宰相裁成庶務

號左右轄世祖中統二年置左右丞各一員三年增為
四員至元七年立尚書省中書右丞左丞仍四員八年
尚書併入中書左右丞各一員二十三年汰冗職右左
丞如故二十四年復立尚書省左右丞各一員而中書
省缺員二十八年復罷尚書省三十年設右丞二員而
一員為商議省事成宗元貞元年右丞商議省事罷又

以昭文大學士與中書省事武宗至大二年復立尚書省右左丞二員中書右左丞五員四年罷尚書右左丞中書右左丞止設四員文宗至順元年定置右丞一員左丞一員以後不復增損

以上右左丞

參政副宰相以參大

政而其職亞於右左丞世祖中統元年始置參政一員二年增為二員至元七年立尚書省參政三員八年尚書省併入中書參政二員二十三年汰冗職參政二員如故二十四年復立尚書省參政二員中書參政二員

二十八年罷尚書省參政武宗至大二年復置尚書省
參政二員中書參政二員四年併尚書省入中書參政
三員文宗至順元年定參政為二員自後亦不復增損

焉

以上參政

至順帝時法度不常紀綱日紊置宰臣輒更祖

制元統三年七月中書省奏請自今不置左丞相十月
命巴延獨掌台司至元五年十月復加巴延為大丞相
六年十月命托克托為右丞相復置左丞相至正七年
置議事平章四人十二年二月以賈魯為添設左丞三

月以悟良哈台為添設參知政事七月又以杜秉彝為添設參政八月以哈瑪爾為添設右丞十四年九月以呂思誠為添設左丞二十七年八月以樞密知院曼濟為添設第三平章以太尉特哩特穆爾為添設左丞相以添設為銜名亦古所未見也

明太祖建官之始皆承前制設中書省置左右相國以李善長為右相國徐達為左相國後命百官禮儀俱尚左改右相國為左相國左相國為右相國尋又改為左

右丞相置平章政事左右丞參知政事等官以統領衆
職洪武九年汰平章政事參知政事等官十三年正月
革去中書省盡罷其官置四輔官位列公侯都督之次
尋即汰罷分其權於六部十五年倣宋置華蓋殿武英
殿文淵閣東閣諸大學士以禮部尚書邵質為華蓋檢
討吳伯宗為武英翰林學士宋訥為文淵典籍吳忱為
東閣又置文華殿大學士徵耆儒鮑恂余詮張長年等
為之以輔導太子袂皆正五品二十八年敕諭羣臣國

家罷丞相設府部院寺以分理庶務立法至為詳善以
後嗣君其母得議置丞相臣下有奏請設立者論以極
刑當是時以翰林春坊詳看諸司奏啓兼司平駁大學
士特侍左右備顧問而已帝方自操威柄學士鮮所參
決惠帝建文中改大學士為學士成祖永樂初年特簡
解縉胡廣楊榮等參預機務閣臣自此始預務焉至仁
宗以楊士竒楊榮皆東宮舊臣擢士竒為禮部侍郎兼
華蓋殿大學士榮為太常卿兼謹身殿大學士賜士竒

榮等繩愆糾謬銀印官亦擢至尚書而閣臣之體統益尊職亦甚重遂為真宰相矣宣宗時大學士累加至三公三孤銜名政無大小悉付叅決宣德三年敕宰臣楊士奇等卿等春秋高尚典繁劇可輟所務朝夕在朕左右討論至禮職名俸祿悉如舊用示眷注老臣至意其時大學士竟專授公孤之官矣是時帝亦屢幸內閣凡中外章奏宰相俱用小票墨書貼名疏面以進謂之條旨

條旨之名始此

世宗嘉靖四十一年新建三殿改奉天曰皇

極華蓋為中極謹身為建極閣銜因之自此以後大學士朝位班次俱列六部之上遣行人齎敕優詔存問少師兼太子太師吏部尚書華蓋殿大學士劉健并賜羊酒命有司餽官廩八石歲給輿隸十名神宗萬曆九年特遣行人齎敕優詔存問少師兼太子太師吏部尚書建極殿大學士徐階并賜銀五十兩大紅紵絲蟒衣一襲綵幣四表裏以表異數是時宰臣雖退居林下而帝眷仍注重若此然舊制紅本到閣首輔票擬莊烈帝崇

禎中始用分票首輔之權畧分

時御史倪元璐請分票自後本下即令中書分

之故內閣之職同於古相者以其主票擬也

宋三省屬官

門下省中書省尚書省為三省時三省官皆宰相職理大政者

門下省有

通進司掌受三省樞密院六曹寺監百司奏牘文武近

臣表疏及章奏房所領章奏具事目進呈而頒布於中

外有進奏院掌受詔敕及三省樞密院宣劄六曹寺監

百官符牒頒於諸路凡章奏至則具事目上門下省若

案牘及申稟文書則分納諸官司中書省有舍人四人

掌行命令為制詞其大除拜宰相召舍人面受詞頭元豐六年詔中書省置點檢房令舍人通領元祐元年詔舍人各簽諸房文字其命詞則輪日分草有檢正官掌糾正省務熙寧三年置以京朝官充選人即為習學公事元豐新官制行罷之而其職歸於左右司建炎三年中書門下省奏言軍興以來天下多事中書省無屬官元豐以前有檢正官因置左右司遂不差致朝廷及應報四方文移稽留無檢舉催促今欲差官二員充中書

門下省檢正諸房公事詔從之尚書省有左右司郎中左右司員外郎各一人掌受六曹之事而舉正文字之稽失分治省事左司治吏戶禮奏鈔班簿房右司治兵刑工案鈔房號為都司亦曰左右曹元豐六年都司置御史房主行彈劾御史按察失職建炎三年詔減左右司郎官二員置中書門下省檢正諸房公事二員次年罷檢正諸房公事官左右司郎官仍四員

遼北面官北宰相府宰相下有總知軍國事知國事等

官南宰相府亦有總知軍國事知國事等官南面官中
書省有堂後官主事守當官尚書省有左右司郎中左
右司員外郎

金尚書省屬有左司郎中員外郎各一員掌本司奏事
總察吏戶禮三部受事付事兼帶起居注官每月朔朝
則先集是日秩滿者為簿名曰闕本及行止簿貼黃簿
并官制同進呈御覽畢則受而藏之每有除拜凡尚書
省所不敢擬注者則一闕具二三人以聽制授焉都事

二員掌本司受事付事檢勾稽失省署文牘兼知省內
宿直檢校架閣等事右司郎中員外郎各一員掌本司
奏事總察兵刑工三部受事付事兼帶修注都事二員
所掌與左司同祇候郎君管勾官掌祇候郎君謹其出
入及差遣之事承安二年以走馬郎君擢注泰和
時以都事兼正大時改用親從人架閣
庫管勾同管勾掌察左右司大程官追付文牘並提控
小都監給受紙筆直省局局長掌都堂之禮及官員參
謝之儀副局長貳其事

元中書省有參議中書省事典左右司文牘為六曹之
管轄軍國重事咸預決焉元統元年始置一員至元三
十二年累增至六員成宗大德元年止置四員遂為定
額左司郎中二員員外郎二員都事二員掌吏禮房之
科有九一曰南吏二曰北吏三曰貼黃四曰保舉五曰
禮六曰時政記七曰封贈八曰牌印九曰好事除房之
科有五一日資品二曰常選三曰臺院選四曰見闕選
五曰伯爾克選戶雜房之科有七一日定俸二曰衣裝

三曰羊馬四曰置計五曰田土六曰太府監七曰會總
科糧房之科有六一曰海運二曰橫運三曰邊遠四曰
賑濟五曰事故六曰運匠銀鈔之科有二一曰鈔法二
曰課程應辦房之科有二一曰飲膳二曰草料右司郎
中二員員外郎二員都事二員掌兵房之科有五一曰
邊關二曰站赤三曰鋪馬四曰屯田五曰牧地刑房之
科有六一曰法令二曰弭盜三曰功賞四曰禁治五曰
枉勘六曰關訟工房之科有六一曰橫造軍器二曰常

課段足三曰歲賜四曰營造五曰應辦六曰河道初中
統元年統置左右司及至元二十五年始分置兩司所
掌亦各分焉其掾屬有監印二人掌監視省印知印四
人掌執用省印斷事官掌刑政之屬員數增損不常客
省使四員副使二員掌直省舍人宣使等員選舉差遣
之事照磨一員掌勘左右司錢穀出納營繕料例凡數
計文牘簿籍之事管勾一員掌出納四方文移緘滕啓
拆之事郵遞之程期曹屬之承受兼主之架閣庫管勾

二員專掌收藏省府籍帳案牘凡備稽考之文即掌故
之任

明太祖初承前代之制中書省屬亦置左右司郎中員
外郎都事檢校照磨管勾等官洪武十三年罷中書省
其官屬亦盡罷革置殿閣大學士分理政務後漸至宰
相至景帝景泰中王文始以左都御史進吏部尚書入
內閣自後誥敕房皆設中書舍人置文華殿東房中書
舍人掌奉旨篆寫冊寶圖書冊頁內閣誥敕房中書舍

人掌書辦文官誥敕繙譯敕書并外國文書揭帖兵部
紀功勘合底簿制敕房中書舍人掌書辦制敕詔書誥
命冊表寶文玉牒講章碑額題奏揭帖一應機密文書
各王府敕符底簿俱無定員嘉靖二十年以他官帶原
銜分直兩房其後中書員缺令吏部以舉人考選而部
選與試職者又分為兩途焉

具中書
省篇

門下省

唐制門下省已詳杜佑通典五代時以門下侍郎為宰

相門下省多不備官宋制門下省掌受天下之成事審
命令駁正違失受發通進奏狀進請寶印凡中書省畫
黃錄黃樞密院錄白畫旨則留為底及尚書省六部所
上有法式事皆奏覆審駁之給事中讀侍郎省侍中審
進入被旨畫聞則授之尚書省樞密院即有舛誤應舉
駁者大則論列小則改正凡文書自內降者著之籍章
奏至則受而通進俟頒降分送所隸諸司凡吏部擬六
品以下職事官則給事中較其仕歷功狀侍郎侍中引

驗審察非其人則論奏凡遷改爵秩加叙勲封四選擬
注奏鈔之事有舛誤退送尚書省覆刑部大理寺所斷
獄審其輕重枉直不當罪則以法駁正之凡官十有一
侍中侍郎左散騎常侍各一人給事中四人左諫議大
夫起居郎左司諫左正言各一人遼南面官中書省所
設官屬畧與宋制同多置東上閤門使西上閤門使東
頭承奉班西頭承奉班及知匭院使誥院給事金太宗
天會四年有三省之制至海陵正隆元年罷門下省以

太師領三省事是初置而旋廢故官屬多不可考

金史帝紀

列傳百官志中皆不載

元初無門下省世祖至元七年議立三省

侍御史高鳴奏言政貴得人不可貴多官詔從其奏終不復設明亦不設門下省其給事中尚寶司等官無所隸屬

侍中

侍郎起居

給事中補闕拾遺

散騎常侍典儀

城門郎

符寶郎

郎 弘文館校書郎等

侍中之名秦始有之唐制侍中掌出納帝命相禮儀凡

國家之務與中書令參總而顛判省事下之通上其制
有六一曰奏鈔以度支國用授六品以下官斷流以下
罪及除免官用之二曰奏彈三曰露布四曰議五曰表
六曰狀白露布以上乃審其餘覆奏畫制可而授尚書
省行幸則負寶以從版奏中嚴外辦還宮則請降輅解
嚴皇帝齋則請就齋室將奠則捧玉幣盥則捧匱取盤
酌壘水贊洗酌泛齋及虛爵進福酒皆左右其儀饗宗
廟進瓚而贊酌鬱酒既課贊酌醴齊藉田則捧耒四夷

朝見則承詔勞問臨軒命使冊皇后皇太子則承詔降
宣命慰問聘名則泣封題發驛遣使則給角符凡官爵
廢置刑政損益授之史官既書復泣其記注職事官六
品以下進擬則審其稱否而進退之自天寶初改為左
相後及至德二載復改為侍中時苗晉卿以中書侍郎
同中書門下平章事行侍中廣德二年王縉以黃門侍

郎同中書門下平章事為侍中以後其職常闕

至德中以苗晉

卿為侍中晉卿練達史事謹身固位時人比之胡廣至
代宗即位年已衰暮諸事尤慎密焉又源乾曜進位侍

中建言大臣子並求京職後又率任外官非平施之道
臣三息俱任京師請出二息補外以示自近始詔曰乾
耀身率庶僚以讓既請外其子又復下遷博不云乎范
宣子讓其下皆讓其令文武官父子昆仲三人在京師
者分任
宋制門下省侍中掌佐天子議大政審中外出
於外

納之事大祭祀則版奏中嚴外辨導輿輅詔升降之節
大朝會則承旨宣制告成禮祭祀亦如之冊后則奉寶
以授司徒宋初以秩高罕除自建隆至熙寧直拜侍中
者僅五人雖有用他官兼領而實不任其事元豐官制
行以左僕射兼門下侍郎行侍中職別置侍郎以佐之

南渡後置左右丞相罷侍中不置遼門下省有侍中太宗會同元年以趙思忠為侍中金自罷門下省後無侍中元不設門下省亦無侍中明亦無之

門下侍郎亦始於秦之黃門侍郎至漢而與門下侍中同理衆事唐乾元元年改門下侍郎為黃門侍郎大曆二年復改為門下侍郎設二人掌貳侍中之職大祭祀則從盥則奉中既悅奠中奏匏爵贊獻元日冬至奉天
下祥瑞侍中闕則涖封符券給傳驛五代時門下侍郎

多以宰相兼之宋制門下省侍郎掌貳侍中之職省中
外出納之事大祭祀則前導輿輅詔進止大朝賀則授
表以奏祥瑞冊后則奉節及寶位與知樞密院同知樞
密院中書侍郎尚書左右丞為執政官南渡後復置參
知政事罷門下侍郎不置遼門下省有侍郎道宗清寧
時以楊皙為門下侍郎金自罷門下省後無門下侍郎
元不設門下省明亦無之

給事中亦始於秦本為加官至後而漸掌獻納及封駁

唐制給事中四人掌侍左右分判省事察宏文館繕寫
讎校之課凡百司奏抄侍中既審則駁正違失詔敕不
使者塗竄而奏還謂之塗歸季終奏駁正之目凡大事
覆奏小事署而頒之三司詳決失中則裁其輕重發驛
遣使則與侍郎審其事宜六品以下奏擬則校功狀殿
最行藝非其人則白侍中而更焉與御史中書舍人聽
天下寃滯而申理之寶應元年以給事中為理匭使貞元

中以袁高為給事中時帝復用盧杞為饒州刺史命高
草詔書高執詞頭揭宰相口盧杞作相三年矯詐陰賊

退斥忠良若更授大郡恐失天下之望宰相不悅命舍人草之詔出高執之不下乃奏論之元和中外李遜為給事中常論時政以為事君之義有犯無隱陳誠啓沃不必擇辰今君臣敷奏乃候隻日是罪歲臣下罕覩天顏獻可替否能幾何帝嘉之乃許不擇時奏對有郭承嘏為給事中文宗開成元年出為華州刺史給事中盧載封還詔書言承嘏封駁稱職宜在瑣闥牧守之才易為推擇帝因謂宰相曰承嘏久在黃扉故優其俸祿暫令廉問近闕而諫列拜章惜其稱職甚美事也乃復留為給事

宋制門下省給事中四

人分治六房掌讀中外出納及判後省之事若政令有失當除授非其人則論奏而駁正之凡章奏日錄目以進考其稽違而糾治之元豐五年五月詔給事中許書

畫黃不書草著為令遼門下省有給事中統和二年以郭嘏為給事中金給事中為內侍寄祿之官屬宣徽院置審官院無所隸屬知院一員同知審官院事一員掌奏駁除授失當事職與給事中同元給事中無所隸屬掌隨朝省臺院諸司凡奏聞之事悉紀錄之如古左右史不主封駁銜則循古之名實起居注之職明給事中無所隸屬吏戶禮兵刑工六科各都給事中一人左右給事中一人給事中吏科四人戶科八人禮科六人兵

科十人刑科八人工科四人六科掌侍從規諫稽察六部百司之事凡制敕宣行大事覆奏小事署而頒之有失封還執奏凡內外所上章疏下分類抄出參署付部駁正其違誤吏科凡吏部引選則掌科同至御前請旨外官領文憑皆先赴科畫字內外官考察自陳後則與各科具奏糾其不職者戶科監光祿寺歲入金穀甲字等十庫錢鈔雜物與各科兼蒞之皆三月而代內外有陳乞田土隱占侵奪者糾之禮科監訂禮部儀制凡大

臣曾經糾劾削奪有玷士論者記錄之以核贈謚之典
兵科凡武臣貼黃誥敕本科一人監視其引選畫憑之
制如吏科刑科每歲二月下旬上前一年南北罪囚之
數歲終類上一歲蔽獄之數閱十日一上實在罪囚之
數皆憑法司移報而奏御焉工科閱試軍器局同御史
巡視節慎庫與各科稽查寶源局凡日朝六科輪一人
立殿左右珥筆記旨凡題奏日附科籍五日一送內閣

備編纂

洪武中卓敬為給事中時制度未備諸王服乘多僭敬奏論之上曰爾言是朕慮不及此永樂

時陳諤為給事中彈劾不避權貴常奏事散騎常侍唐
聲洪大聽者竦然帝每見呼為大聲秀才

制左散騎常侍二人掌規諷過失侍從顧問宋門下省
左散騎常侍掌規諷諭遼門下省有散騎常侍天祚
帝乾統中馬人望除左散騎常侍又別有常侍官金元
明皆不設

諫議大夫唐置四人掌諫諭得失侍從贊相德宗建中
二年以諫議大夫一人為知匭使宋門下省有左諫議
大夫左司諫左正言掌規諷諭元祐八年詔執政親

咸不除諫官遼南面官左諫院有左諫議大夫隸門下
省金設諫院置左諫議大夫右諫議大夫左司諫右司
諫無所隸屬元無諫議大夫明洪武十三年設諫院置
左右司諫各一人左右正言各二人十五年又置諫議
大夫以兵部尚書唐鐸為之尋皆罷

起居郎唐制二人掌錄天子起居法度秉筆隨宰相入
殿直二螭首後唐亦置起居郎天成二年以趙熙為起
居郎宋制門下省起居郎一人掌記天子言動御殿則

侍立行幸則從大朝會則立於殿下凡朝廷命令赦宥

禮樂法度損益因革賞罰勸懲皆書授著作官

元祐中王巖叟

為起居舍人入侍邇英司馬廡講洪範至人用三德帝曰只此三德為更有德巖叟退而疏曰陛下既能審而問之必能體而行之三德者人君之大本臣備職史官敬已書之於冊以示萬世紹興中起居郎洪遵奏言臣幸得以記注陪侍經幄伏聞元祐中起居舍人呂陶常乞候講讀臣僚再留奏事並許侍立以見講退猶且入侍何由不許奏事乞下經筵所依講讀官例施行於是以詔起居郎舍人自今後許依講讀官奏事

遼南

面官門下省屬有起居舍人知起居注起居郎等官金設記注院無所隸屬修起居注掌記言動明昌元年詔

母令諫官兼或以左右衛將軍兼宣宗貞祐三年以左
右司首領官兼遂為定制元至元六年始置起居注掌
隨朝省臺院諸司凡奏聞之事悉紀錄之至十五年改
為給事中遂為定制明起居注隸翰林院洪武九年置
起居注二人秩正七品後即省罷以翰林院史官兼攝
之凡國家大政及詔敕王言皆籍而記之以備實錄

補闕拾遺自唐始置各六人

貞元中韋渠牟為右補闕
內供奉同列初輕之帝在

廷英既對宰相多使中貴名渠牟於官次於是同輩始
注日矣元和中王源遷左補闕時典禁軍者不循法度

源上疏曰臺憲者紀綱之地府縣者責成之所設有罪
犯宜歸司存安有北軍勢重於南衙輦下權輕於伏內
乞還法司庶守職分帝可其請開成中以魏蕃為左補
闕帝謂宰相曰太宗得魏徵採拾闕失獨成聖政今我
得魏蕃於疑似之間必極匡諫雖不敢希及貞觀之政
庶幾處於無過之地命授蕃左補闕詔中書善為之詞
宣宗大中時右補闕陳諤左拾遺王譖等上書諫遣中
使往羅浮山迎軒轅先生詔答云閱視來章深約誠意

宋太宗端拱中改左右補闕為左右司諫左右拾遺為
左右正言所掌與諫議大夫同孝宗淳熙十五年兵部
侍郎林栗奏言諫諍之官尚有闕員居其位者往往分
行御史之職至於箴規闕失寂無聞焉願依唐制置拾

遺補闕左右各一員專掌諫諍不許糾彈從之以許深
父薛象先充其職班在監察御史上尋復省罷遼南面
官門下省有左補闕左拾遺二員

右補闕右拾遺屬中書省

金諫院

有左右拾遺左右補闕皆無所隸屬元至元六年置左
右補闕至十五年改為左右侍儀奉御兼修起居注
建文中罷六科左右給事中增設拾遺補闕至永樂中
仍置左右給事中革去拾遺補闕

典儀亦起於唐設二人其職領贊唱之節及殿廷版位

之次隸門下省宋制東西閣門不隸門下省東上閣門
使西上閣門使各三人副使各二人宣贊舍人十人祇
候十有二人掌朝會宴享供奉贊相禮儀之事使及副
使承旨稟命舍人傳宣贊謁祇候分佐舍人凡文武官
自宰臣宗室自親王外國使臣以下朝見謝辭皆掌之
視其品秩以為引班叙班之次贊其拜舞之節而糾其
違失若慶禮奉表則東上閣門掌之慰禮進名則西上
閣門掌之職與典儀同遼亦有東上閣門使副使供奉

官西上閣門使副使供奉官皆隸門下省金東上閣門使二員副使二員僉事一員掌僉判閣門事西上閣門使二員副使二員僉事一員掌贊導殿庭禮儀閣門祇候二十五人通事舍人二員掌通班贊唱承奏勞閣之事隸宣徽院元侍儀司掌凡朝會即位冊后建儲奉上尊號及外國朝覲之禮有左右侍儀通事舍人引進使等官隸禮部明司儀署丞司賓署丞鳴贊序班等官掌贊百官行禮及序班次皆隸鴻臚寺

城門郎掌宮殿城門之管鑰即古之衛尉至隋為城門郎唐因之唐制城門郎四人掌京城皇城宮殿諸門開闔之節奉管鑰而出納之開則先外後內闔則先內後外啓閉有時不以時則詣闕覆奏宋制置皇城司幹當官七人無所隸屬以武功大夫以上及內侍都知押班充掌宮城出入之禁令凡周廬宿衛之事宮門啓閉之節皆隸焉每門給銅符二鐵牌一左符留門右符請鑰鐵牌則請鑰者自隨以時參驗而啓閉之總親從親事

官名籍辨其宿衛之地以均其番直人物偽冒不應法則譏察以聞遼制北面御帳官有左右護衛司宿衛司掌禁衛宿直太祖時未有城郭宮室之固而宿衛綦嚴御帳之官職與城門郎等金亦無城門郎置左右宿直將軍掌總領親軍凡宮城諸門衛禁并行從宿衛之事始置八員大定二十九年置十員後又增至十一員隸殿前都點檢司明初亦設城門郎洪武十八年革以門禁鎖鑰銅牌命中軍都督府掌之

符寶郎即周之典瑞掌節及符璽歷代沿革不一至唐
為符寶郎唐制符寶郎四人掌天子八寶及國之符節
有事則請於內既事則奉而藏之大朝會則奉寶進於
御座行幸則奉以從焉大事出符則藏其左而班其右
以合中外之契兼以敕書小事則降函封使合而行之
凡命將遣使皆請旌節旌以顯賞節以顯殺宋制符寶
郎亦屬門下省掌外庭符寶之事禁中別有內符寶郎
徽宗大觀初八寶成詔依唐六典增置遼門下省有符

寶司興宗重熙初以耶律玦為符寶郎金符印圖書皆
掌於禮部不專設宮元中統元年始置符寶郎二員掌
寶璽金銀符牌至大德十一年陞為典瑞院置院使四
員同知二員簽院二員同簽院二員院判二員經歷二
員都事二員明初設符璽郎後改尚寶司卿一人少卿
一人司丞三人掌寶璽符牌印章而辨其所用寶二十
有四舊寶十有七嘉靖十八年
增製者七凡寶之用必奏請而待
發每大朝會本司官二員以寶導駕俟陞座各置寶於

案立待殿中禮畢捧寶分行至中極殿置案而出駕出
幸則奉以從焉歲終移欽天監擇日和香物入水洗寶
於皇極門籍奏一歲用寶之數凡請寶用寶捧寶隨寶
洗寶繳寶皆與內宮尚寶監俱凡金牌之號五以給勳
戚待衛之扈從及班直者半字銅符之號四以給巡城
寺衛官巡者左半守者右半合契而點察焉令牌之號
六以給金吾諸衛及五城之警夜者銅牌之號一以稽
守卒牙牌之號五以察朝參祭牌之號三以給陪祀供

事執事官後雙魚銅牌之號二以肅直衛錦衣校尉之
正直者以歸光祿胥役之供事者符驗之號五凡親王
之藩及文武出鎮撫行人通使命者則給之御史出巡
察則給印事竣咸驗而納之稽出入之令而辨其數職
適而任重也

弘文館唐高祖武德初始置後改為昭文館置詳正學
士講經博士校書等官掌校理圖籍穆宗長慶二年罷
詳正學士講經博士等官專以五品以上曰學士六品

以上曰直學士未登朝為直館宋制以秘書郎掌昭文館圖籍以甲乙丙丁為部各分其類校書郎四人正字二人掌校讐書籍判正訛謬隸秘書監遼南面官昭文館置直學士無所隸屬金弘文院無所隸屬置知院同知校理掌校譯經史元文宗天曆二年置藝文監專以國語數譯儒書及儒書之合校讐者俾兼治之太監二員掌檢校書籍事少監二員同檢校書籍事監丞二員參檢校書籍事又置監書博士二員品定書畫擇朝臣

之博識者為之藝林庫提點一員大使一員副使一員
掌藏貯書籍明洪武三年置弘文館以明鉉為學士又
命劉基危素王本中晁稼皆兼弘文館學士未幾罷宣
宗宣德間復建弘文閣於思善門右以翰林學士楊溥
掌閣印尋併入文淵閣

中書省

中書省之名起於魏晉歷朝官屬沿革不一唐初改為
西臺及鳳閣又改為紫微令繼仍復為中書省至宋沿

唐之舊置中書省掌進擬庶務宣奉命令行臺諫章疏羣臣奏請興創改革及內外無法式事應取旨事凡除省臺寺監長貳以下及侍從職事官外任監司節鎮知州軍通判武臣遥郡橫行以上除授皆掌之凡命令之禮有七曰冊書曰制書曰誥命曰詔書曰敕書曰御札曰敕榜皆承制畫旨以授門下省令宣之侍郎奉之舍人行之留其所得旨為底大事稟奏得旨者為畫黃小事擬進得旨者為錄黃凡事干因革損益而非法式所

裁者論定而上之諸司傳宣特旨承報審覆然後行下
設官十有一令侍郎右散騎常侍各一人舍人四人右
諫議大夫起居舍人右司諫右正言各一人遼太祖始
置政事省建設官屬重熙十三年改為中書省置中書
令大丞相左右丞相知中書省事中書侍郎同中書門
下平章事參知政事堂後官主事守當官令史中書舍
人右諫議大夫補闕拾遺等官金太宗天會四年詔循
宋遼之舊建三省之制未幾至海陵正隆元年而罷中

書省止置尚書省元中書省有中書令一員左右丞相各一員居令之次平章政事四員貳於丞相以理政務左右丞各一員參政二員皆副丞相者其屬有參議左右司郎中等官又置行中書省掌國庶務統郡縣鎮邊鄙與都省為表裏國初有征伐之後分任軍民之事皆稱行省未有定制中統至元間始分立行中書省因事設官不必備皆以省官出領其事其丞相皆以宰執行某處省事繫銜其後嫌於外重改為某處行中書省凡

錢糧兵甲屯種漕運軍國重事無不領之每省丞相一員平章二員右丞一員左丞一員參知政事二員所屬有郎中員外郎都事等官其丞相或置或不置尤慎於擇人至正十一年置中書分省於濟寧十二年置中書分省於彰德率以中書省官出掌之明洪武元年承前代制設中書省置左右丞相平章政事左右丞參知政事以統領眾職其屬官有左右司郎中員外郎都事檢校照磨管勾參議府參議參軍斷事官斷事經歷知事

等官十三年罷中書省盡革其官屬繼以翰林春坊等
官參預機務遂名內閣贊理政務宣揚德意同於古之
中書省焉

中書令

侍郎
史官

舍人
主書

通事
舍人

集賢
學士

中書令漢武帝初置出納帝命掌尚書奏事蓋周官內
史之任唐天寶中改為右相至德初復為中書令掌佐
天子執大政而總判省事凡王言之制有七曰冊書立
皇后皇太子封諸王臨軒冊命則用之二曰制書大賞

罰赦宥慮囚大除授則用之三日慰勞制書褒勉贊勞
則用之四曰發敕廢置州縣增減官吏發兵除免官爵
授六品以上官則用之五曰敕旨百官奏請施行則用
之六曰論事敕書戒約臣下則用之七曰敕牒隨事承
制不易於舊則用之皆宣署申覆然後行焉大祭祀則
相禮親征纂嚴則戒飭百官臨軒冊命則讀冊若命於
朝則宣授而已冊太子則授璽綬凡制詔文章獻納以
授記事之官至德以後其職常闕

至德以後郭子儀進
拜中書令歷二十四

考以身繫天下安危又裴度拜中書令上已曲江宴集
唯度不赴帝因賜以詩後徙東都留守仍加中書令銜
自後授是職者唯崔五代時中書令之職常闕非有大

圓李晟渾瑊而已

功勳者不授後唐以安重誨王晏球為中書令晉以桑

維翰趙瑩拜中書令漢隱帝乾祐時以趙在禮為中書
令周以馮道為中書令皆宰臣之崇秩也宋制中書令
掌佐天子議大政授所行命令而宣之祀大神祇則升
壇享宗廟則升阼階而相其禮臨軒冊命則讀冊建儲
則升殿宣制持冊及璽綬以授太子大朝會則詣御坐

前奏方鎮表及祥瑞未嘗真拜以他官兼領者不預政事然止曹佾一人餘皆贈官元豐後以右僕射兼中書

侍郎行令之職別置侍郎以佐之南渡以後置左右丞

相省令不置遼太祖時以韓延徽為政事令

中書省初名政事省

詳見前天顯初以韓知古為中書令金自正隆元年罷中

書省後無中書令之官元以中書令為極尊重之官銀

印典領百官會決庶務太宗以相臣為之

時耶律楚材為中書令事

無鉅細皆令先白之世祖以皇太子兼之至元十年立皇太子行

中書令成宗大德十一年以皇太子領中書令仁宗延祐三年復以皇太子領中書令置屬監印二人明自洪武十三年罷中書省後設內閣大學士掌獻可替否票擬批答以平允庶政凡遇大典禮大政治九卿科道官會議已定則按典制相機宜裁量其可否斟酌入告頒詔則捧授禮部會敕則稽其由狀亦中書令之職也中書侍郎起於魏沿及唐制設二人掌貳令之職朝廷大政參議焉臨軒冊命為使則持冊書授之四夷來朝則

受其表疏而奏之獻贄幣則受以付有司開元中為紫

微侍郎大厯五年乃復為中書侍郎率以宰臣兼之

和元

中裴度為中書侍郎先是宰臣歸私第百官不敢及門度以方討不庭宰臣宜日接多士冀有所聞因奏請私

家通賓客帝方屬意許之五代時拜中書侍郎者即為宰相宋制中

書侍郎掌貳令之職參議大政授所宣詔旨而奉之凡

大朝會則押表及祥瑞案臨軒冊命則押冊引案以所

奏文及冊書授令外藩來朝則奏其表疏以贄幣付有

司南渡後復置參知政事省中書侍郎不置遼南面官

中書省有中書侍郎道宗壽隆初以韓資讓為中書侍郎金罷中書省後無中書侍郎元中書省有左右丞相平章政事左右丞參政等官其職皆貳於令佐令理庶政凡軍國大事皆預參決即宋之中書侍郎也明無此官

中書舍人晉官歷代皆有此職唐制中書舍人六人掌侍進奏參議表章凡詔旨制敕璽書冊命皆起草進畫既下則署行其禁有四一曰漏洩二曰稽緩三曰違失

四曰忌誤制敕既行有誤則奏改之大朝會諸方起居則受其表狀大捷祥瑞百寮表賀亦如之冊命大臣則使持節讀冊命將帥有功及大賓客則勞問與給事中及御史三司鞠寃滯百司奏議考課皆預裁焉以久次者一人為閣老判本省雜事又一人知制誥專進畫給食於政事堂其餘分署制敕以六人分押尚書六曹佐宰相判案同署乃奏唯樞密遷授不預至德初以他官知中書舍人事兵興急於權便政去臺閣決遣皆由宰

相自是舍人不復押六曹之奏寶應元年以中書舍人為理匭使會昌末李德裕建議臺閣常務州縣奏請復

以舍人平處可否大中時皆選尚書郎為之

長慶時韋處厚為中

書舍人時帝不親政務處厚以既居納誨之地宜有以啟道性靈乃詮擇經義雅言以類相從為二十卷謂之六經法言獻之又都高卿為中書舍人處事不回為宰相元載所忌魚朝恩署牙將李琮為兩街功德使琮暴橫於銀臺門毀辱京兆尹崔昭高卿立詣元載抗論請速論奏載不從高卿遂以疾辭居東洛清名高節稱於天下敬宗初登極拜路隨為中書舍人有以金帛謝除制者必叱而却之曰吾以公事接私財耶終無所納會昌中封敎以學士拜中書舍人敎構思敏速語近而理勝不務奇溢嘗草賜陣傷將詔稱旨因賜宮錦

後

唐置中書舍人長興中以陳義為中書舍人冊公主於
太原晉天福五年詔依唐六典例置中書舍人掌侍奉
進奏參議表章凡詔旨制敕璽書冊命皆按故事起草
進畫既下則署而行之并詔翰林學士院公事宜并歸

中書舍人周亦置中書舍人或兼知貢舉

時王延為中書舍人權知

貢舉有崔頌者協之于也來應進士延將入貢院舊相
盧文紀素與協不睦謂延曰舍人以謹厚聞於時當求
實才以副公望慎毋以名下取士也延過而嘆曰盧公
之言為崔頌也縱與其父不悅何至此耶卒以頌登甲
科其仁而宋制中書省舍人四人舊六掌行命令為制
尚公如此

詞分治六房隨房當制事有失當及除授非其人則論

奏封還詞頭

時制拜中書舍人者詔試之再授元祐七年以起居郎楊景畧左司郎中錢勰並為

中書舍人免試二人奉使高麗方還在道並擢之又除起居舍人蘇軾直龍圖閣劉攽為中書舍人並免試時曾肇為中書舍人門下侍郎韓維面奏范百祿所為不正黜維知鄧州肇不草制兩上章論之又洪适除中書舍人內直如故方羽檄交馳書詔填委或夜召或細札咨訪适獨當內外制時奉詔言事多契帝心始有大用之意又王巖叟除中書舍人滕元發自太原易許昌巖叟封還詞頭言今以走馬承受一言便易詞頭此風寔長非委任安邊之禍命遂寢又林大中遷中書舍人風裁如臺中時韓侂胄來見大中接之無他語使人通問因劾納交又笑却之彭龜年抗論侂胄甚切有旨龜年除職與郡大中在西掖與樓鑰連名上疏又同繳奏

初太祖建隆時為所遷官實不任職復置知制誥及直舍人院主行詞命與學士對掌內外制凡有除拜中書吏赴院納詞頭其大除拜亦有宰相召舍人面授詞頭者若大誥命中書并敕進入從中而下餘則發敕官受而出之元豐六年詔中書省置點檢房令舍人通領元祐元年詔舍人各簽諸房文字其命詞則輪日分草九月詔暫時闕官依門下尚書省例送本省官兼權紹聖四年蹇序辰請自今命詞以元行遣文書同檢送兩制

舍人從之建炎後同他官兼攝者則稱權舍人資淺者為直舍人院遼南面官中書省有中書舍人院道宗咸雍三年以馬鉉為中書舍人金罷中書省後無中書舍人其時一應制誥詞命皆以翰林學士承旨及待制為之元中書省無中書舍人明中書舍人屬內閣掌制誥詔令及一切機密文書凡大朝會則侍班東宮令節朝賀則導駕侍班於文華殿冊封宗室則充副使大祀南郊則隨駕而供事員無正貳印用年深者掌之洪武七

年初設直省舍人十人秩從八品隸中書省九年為中書舍人改正七品尋又改從七品十年與給事中皆隸承敕監建文中革中書舍人改為侍書入文翰館隸翰林院永樂時復舊制尋設中書科署於午門外定設中書舍人二十人

其恩廕帶俸者不在額內

宣德間內閣置誥敕制敕

兩房皆設中書舍人嘉靖二十年選各部主事大理寺評事帶原銜直誥敕制敕兩房四十四年兩房員缺命吏部考選舉人為中書舍人初永樂時命內閣學士典

機務詔冊制誥皆屬之而謄付繕正皆中書舍人入辦事竣輒出宣德初始選能書者處於閣之小西房謂之西制敕房而諸學士掌誥敕者居閣東具稿付中書繕進謂之東誥敕房及英宗正統後學士不能視誥敕內閣悉委於中書序班譯字等官於是內閣又有東誥敕房其直文華武英兩殿供御筆札者初為內官職繼以中書分直後亦專舉能書者舍人有兩途由進士部選者得遷科道部屬其直兩殿兩房舍人不必由部選自

甲科監生生儒布衣能書者俱可為之不由科甲者初授序班及試中書舍人不得遷科道部屬後雖加銜九

列仍帶銜辦事

洪武中以宋璉為中書舍人濂次子也工書法真行草篆俱入能品時人稱為

威鳳神霄祥雲捧日又宣嗣宗為中書舍人時宣宗幸內閣以銀錢撒地令諸從官競取嗣宗俟諸臣取畢徐拾一文英宗天順中盧儒博學能文以薦舉授中書舍人嘗在翰林院奉命撰雪賦甚急儒援筆立就一時驚嘆

通事舍人之名起於後魏唐時掌通奏引納辭見承旨宣勞設十六人皆以善辭令者為之隸四方館而文屬

中書省至宋置客省引進使副使各二員掌國信使見
辭宴賜及四方進奉外藩朝覲貢獻之儀受其幣而賓
禮之還則頒詔書授以賜予宰臣以下節物則視其品
秩以為等使闕則引進四方館閣門使副互權此即通
事舍人之職大觀元年詔客省四方館不隸臺察欽宗
靖康元年詔客省引進司四方館西為殿庭應奉同隸
中書省遼南面官通事舍人院有通事舍人統和七年
以李玘為通事舍人屬門下省不隸中書省金有閣門

通事舍人二員掌通班贊唱承奏勞問之事隸宣徽院
元世宗至元十二年置通事舍人十四員凡大典禮皆
掌之三十年減通事舍人七員為侍儀舍人英宗至治
元年增置通事舍人六員侍儀舍人四員隸禮部明設
提督四譯館掌外國來朝貢者通譯其語言文字以國
子監生及官民子弟委官教肄充譯字生通事初隸翰
林院孝宗宏治七年始增設太常寺卿少卿各一員為
提督遂改隸太常寺嘉靖中裁卿止少卿一人

集賢殿書院置於唐開元中及至德二年置大學士貞元元年置編錄官四年罷大學士八年罷校理置校書四人正字二人元和二年復罷校書正字四年集賢御書院學士直學士皆用五品如開元故事以學士一人年高者判院事非登朝官者為校理餘皆罷宋為集賢院以宰相一人充大學士以給諫卿監以上充學士以朝官充修撰以京官以上充直院校理皆無常員掌古今經籍圖書國史實錄天文歷數之事職事與昭文館

同政和五年詔秘書省殿以右文為名改集賢殿修撰為右文殿修撰屬秘書省遼無集賢殿置宣政殿觀書殿昭文館崇文館乾文閣有大學士直學士學士等官金貞祐五年置集賢院設知院哀宗正大元年以吏部郎中馬璘為知集賢院官又有同知集賢院司儀官諮議官皆無常員元集賢院掌提調學校徵求隱逸召集賢良凡國子監元門道教陰陽祭祀占卜祭道之事悉隸焉至元二十二年置大學士三員學士一員直學士

二員典簿一員大德十一年置院使六員武宗至大四年罷之後定制置大學士五員學士二員侍讀侍講學士各二員直學士三員官屬有經歷都事待制修撰管勾承發架閣庫等官中統初與翰林國史同一官署及至元二十二年始特置院時許衡以集賢館大學士兼

國子祭酒教國子與蒙古大姓四集賽人員大學士品

秩特重焉

至元中程鉅夫為集賢直學士奉詔求賢於江南鉅夫薦趙孟頫等二十餘人皆擢置臺

憲及文學之職還朝拜集賢學士又李洄為承制學士既為帝所知遇乃著書曰輔治篇以進帝嘉納之時詔

欽定四庫全書

欽定續通典

修經世大典洞方卧疾即強起曰此大制作也吾豈可
以不預力疾同修書成進奏謁告以歸至正中汪澤民
預修遼金宋三史書成遷集賢直學士未兩月即移出
告老大學士和尚曰集賢翰林實養老尊賢之地先生
何為遽去願少留以副上意澤民謂以
布衣叨榮三品志願足矣遂致仕歸
明太祖吳元年

五月初置禮賢館尋即罷革設翰林院

史官古官唐屬中書省元和六年宰相裴垍建議登朝
官領史職者為修撰以官高一人判館事未登朝官皆
為直館大中八年廢史館直館二員增修撰四人分掌
四季至宋設國史實錄院置提舉國史監修國史提舉

實錄院修國史同修國史史館修撰同修撰實錄院修撰同修撰直史館編修官檢討官校勘檢閱校正編校官等員紹興三年詔置國史院修神宗哲宗實錄以從官充修撰以左僕射呂頤浩提舉國史右僕射朱勝非監修國史四年置直史館及檢討校勘各一員五年置修撰官三員校勘官無定員是時國史實錄皆寓史館未有置此廢彼之分九年修徽宗實錄詔以實錄院為名仍以宰臣提舉以從官充修撰同修撰餘官充檢討

無定員明年以未修正史詔罷史館官吏併歸實錄院
二十八年實錄書成詔修三朝正史復置國史院以宰
臣監修侍從官兼同修餘官充編修明年詔國史院以
宰臣提舉置修國史同修國史共二員編修官二員又
置都大提舉諸司官承受官諸司官各一員以內侍省
官充孝宗隆興元年以編修聖政所併歸國史院命起
居郎胡銓同修國史二年叅政錢習禮權監修國史乾
道元年叅政虞允文權提舉國史皆前所未有二年詔


置實錄院修欽宗實錄其修撰檢討官以史院官兼領
四年詔修欽宗正史以右僕射蔣芾提舉四朝國史增
置編修三員淳熙三年特命李燾以秘書監權同修國
史權實錄院同修撰四年專置史院十五年四朝國史
成詔罷史院復開實錄院修高宗實錄置修撰四員檢
討官六員為額寧宗嘉泰元年開實錄院修光宗實錄
二年復開國史院自是國史與實錄院並置其外又設
編修敕令置提舉同提舉詳定刪定等官掌裒集詔旨

纂類成書率以宰相及侍從等官兼之遼南面官置國史院有監修國史史館學士史館修撰修國史等官重熙中耶律谷欲奉詔與林牙耶律庶成蕭韓家奴編纂遼國上世事蹟及諸帝實錄金設國史院初以諫官兼其職明昌元年始詔諫官不得兼修國史置監修國史官掌監修國史事修國史官掌修國史判院事同修國史二員編修官八員檢閱官十員外置修遼史刊修官一員編修官三員元制翰林兼國史院中統時未立官

署至元元年始置至元統時以右丞相參知政事等官
充之至正三年詔修宋遼金三史以右丞相托克托為
都總裁四年以阿魯圖代托克托為右丞相兼總裁明
以翰林院修撰編修檢討為史官掌修國史凡天文地
理宗潢禮樂兵刑諸大政及詔敕書檄批荅王言皆藉
而記之以備實錄國家有纂修著作之書則分掌考輯
撰述之事凡記注起居編纂六曹章奏謄黃冊封等咸
充之洪武十八年改為文史館後又復為翰林院

主書晉官隋加令史唐除之至宋制中書省有錄事主
事令史書令史守當官共四十三人遼中書省置令史
道宗咸雍三年耶律儼為中書省令史金元明皆無是

官



欽定續通典卷二十五